



Pete Seeger meeqqanut Uummannameersunut immikkut illuinnartumik attaveqalerpoq.

Pete Seeger fik et helt specielt forhold til børnene fra Uumannaq.

© Frank Landsberger

Pete Seeger meeqqallu Uummannameersut

✉ All. Erik Torm

Amerikamiup erinarsorluni tusarnaatsisartup politikikkullu sorsuutiginnittartup Pete Seegerip, qanittukut toqusup, meeqqallu Uummannameersut imminnut attaveqarfiginerat immikkuullarilluinnartuuvoq. Pete Seegerimut pulaarnej siulleg 2007-imi pivog, ukiunilu tulluuttuni Pete Seeger arlaleriarluni pulaarnejartarluni, taamaalillunilu meeqqat Petellu akornanni kissalaartumik attaveqarnej ineriartulerluni.

Pete Seegerip avatangiisinut suliniut »Clearwater«, suliffissuit Hudsonip kuussua-

nik, taassumalu eqqaani masarsoqarfinnik annertooujussuarmik mingutsitsinerannut iliuuseqarmissamik imaqartoq, 1970-ikkunni aallarnerpaa. Nunat killiit silaannarmik imermillu mingutsitsinerata kingunipiluinik ataatsimoortumik soqutigisaqarneq, Uummannap Kangerlua angullugu kinguneqaateqartoq, annertunerpaamillu soorunami Hudsonip kuussuanut sunniuteqartoq, »Clearwater«-imik suliniut, meeqqanuttaaq avatangiisinik mingutsitsineq pinngortitamillu paaqqutarinninneq pillugu iliniartitsissutinik imaqartoq aqqutigalugu Pete Seegerip kalaallillu meeqqat akornanni ataveqarnermik kissalaartumik pilersitsivoq. Taannalumi aamma aqqutigalugu meeqqat suliniutip umiarsuaanut Clearwater-imut ilaallutik Hudsonip kuussuani angalaarput.

Pete Seegerip erinarsuusiai nipilersuusiallu meeqqat angerlarsimaffiannut meeqqanullu minnerunngitsumik pingaaruteqaleriartorput. Erinarsuusiaani tusamaneqarnerpaat »Where have all the flowers gone« kiisalu »We shall overcome« meeqqat nuannaqalutik appisimaartarpaat; kingullerlu ataatsimik Petemut, nuanaarutigeqisaanik, kalaallisuunngortillugu tusarnaartitsissutigineqarluni. »Kulturi, eqqumiitsuliorneq, nipilersorneq timer-sornerlu aqqutigalugit maani nunarsuarmi eqqisseqatigiinnermik pilersitsissaagut« taama ilaatigut meeqqat tikeraarnerannut atatillugu oqarpoq. Petemullu attaveqarnej aamma Skype atorlugu oqaloqatigiittarner-tigut tusarnaartitsisarnertigullu attanneqarpoq.

Pete Seeger kingullermik 2011-mi tikeraarnejarpoq, tassanilu filmi INUK tassunga, ilaqutaanut ikinngutaanullu taassuma angerlarsimaffiani takutinneqarluni.

Pete Seeger ukioq manna majip pingajuani 95-iliisussaagalarpoq, nunarsuarmilu sumi tamaani aningaasaateqarfimmik taassuma aqqanik toqqammaveqartussamik pilersitsinissaq anguniarlugu eqqaaniaanerit ingerlanneqassapput. Taamatuttaaq Uummannami meeqqat angerlarsimaffiat ullormik tamatuminnaga malunnartitsinissamik pilersaaruteqarpoq, taamaaliornikkut Petemik misigisarpasuit nuannersut nipilersoqateqartarsimanerillu eqqaaniarneqassallutik.



© Frank Landsberger

Pete Seeger Ann Andreassenilu 2011-mi Hudsonip kuussuani umiarsuarmi Clearwaterimi.

Pete Seeger og Ann Andreassen på skibet Clearwater på Hudson floden i 2011.



© Frank Landsberger

Pete Seeger Hudsonip kuussuani meeqqanut Uummannameersunut erinarsortoq.

Pete Seeger synger for Uumannaq børnene på Hudson floden.